

Dienelkander



Nuusbrief van die Gereformeerde Kerk Potchefstroom-Oos

17 September 2017

OGGENDDIENS: Ds. Piet

Preekreeks: 500 jarige herdenking van die Hervorming/Reformasie op 31 Okt.

Ons fokus in aanloop tot die 500-jarige herdenking van die Reformasie op die sogenaamde “Vyf Solas”. Dit is Skrifbeginsels wat in die tyd van die Reformasie die denke van die Hervormers gerig het in hulle verset teen die dwaalleer van die Roomse Kerk van daardie tyd. Die solas is (“sola” beteken alleen):

Sola Sacra Scriptura (Die Heilige Skrif alleen) Verlede week

Solo Christo (Christus alleen) Vandag

Sola Fide (Geloof alleen) 1 Okt

Sola Gratia (Genade alleen) 15 Okt

Soli Deo Gloria (Alleen die eer van God) 29 Okt

Skriflesing: 1 Johannes 5: 1 - 13

Teks: 1 Johannes 5: 10 - 13

Tema: God gee jou die ewige lewe alleen deur Christus, sy Seun.

In die aanloop tot die Reformasie het die Roomse kerk van daardie tyd geglo dat lidmaatskap van die kerk jou redding waarborg. As jy gedoop is en so lid van die kerk geword het, dan is jy gered. Die kerk het dus die plek van Jesus as Verlosser ingeneem. Op grond hiervan is geglo dat die pous en die priesters die vermoë gehad het om jou sonde te vergewe. So is Christus eenkant geskuif en kon die kerk as “redder” optree. Om hierdie rede is mense ook

gemanipuleer om baie geld te gee want jy kon ook betaal om jou sondes te laat vergewe.

Hierteenoor het die hervormers aan die ware evangelie vasgehou van verlossing in en deur Jesus Christus alleen. God gee alleen die ewige lewe aan mense deur die verlossingswerk van Christus. Sonder Christus kan jy nie gered word nie maar in Christus ontvang jy die ewige lewe.

In ons tyd word die verlossing deur Christus alleen op hoofsaaklik twee maniere misken:

1. Die Christus “plus” benadering. Dit hou in dat jy wel in Christus glo maar jy moet nog aan sekere vereistes voldoen om gered te word.

2. Die Christus “minus” benadering. Christus word beskou as net ‘n blote mens en nie as Verlosser nie en eintlik kan almal wat in een of ander god of geestelike wese glo, gered word.

En nou is die vraag: Wie is Christus vir jou?

Ontmoetingsdiens

Intreelied Sb 10-2; Votum; Seën; Loflied Sb 1-2: 1, 2, 3; Geloofsbelydenis: NGB art 20

Verootmoedigingsdiens

Wetlesing: 1 Joh. 1: 5 - 2: 6; Sing Sb 9-1: 11; Gebed

Woorddiens

Skriflesing; Woordverkondiging; Sing
Sb 5-3: 1, 2

Sakramentbediening

Nagmaalformulier van Calvyn, Sing
Sb 17-3: 1, 2; Bediening van die Sakrament;

Antwoorddiens

Lofprysing; dankgebed aan tafel; Sing aan
tafel Ps 116-1: 7, 10; Liefdegawes; Sing
Sb 5-3: 4, 5; Seën; Amenlied Sb13-3.

AANDDIENS: Ds Pieter van der Walt

Skrifgedeelte: Josua 1:1-5; Josua 5:10-15;
Efesiërs 6:10-20

Teks: Josua 5:13,14 en Efesiërs 6:17(b)

Tema: Twee swaarde

Josua bevind hom voor die poorte van Jerigo. Skielik staan daar 'n Man voor hom met 'n ontblote swaard in sy hand. 'n Unieke verskyningsvorm! Twee leëraanvoerders teenoor mekaar! En tog trek hulle saam op en hiermee gaan God se belofte in vervulling. Vraag is: wie is hierdie leëraanvoerder met die ontblote swaard?

Efesiërs 6 vestig die aandag op 'n ander swaard, die swaard van die Gees, die Woord van God, die magtigste wapen wat daar is.

Kom luister saam na die betekenis van hierdie twee swaarde, veral ook in hierdie jaar waar ons op die groot verjaarsdag van die Reformasie fokus!

Lofsang met die oog op die erediens

Ps 150-2: 1, 2 en Ps 107-1: 1, 2, 3

Ontmoetingsdiens

Votum; Seën; Lofsang Ps 89-1: 1, 6;

Woorddiens

Skriflesing; Sing Ps 33-1: 1, 5, 6;
Woordverkondiging

Antwoorddiens

Gebed; Liefdegawes; Sing Sb 15-7: 1, 4, 5;
Seën; Amenlied Sb 13-2.

MEELEWING

- Ursula Wijnberg (Groep 3 - 079 494 7999) moet eerskomende Woensdag weer 'n operasie aan haar sinusholtes ondergaan.
- Pieter Bredenkamp (Groep 23 - 082 879 7507) sterk tuis aan na hospitaalbehandeling vir erge spier-spasmas en pyne.

Ons bid dat die Here spoedig beterskap, herstel en troos sal gee.

VOORBIDDING: LIDMATE WAT SUKSEL MET SIEKTE/SWAK GESONDHEID

Janet vd Walt, Hester Buys, Anna Scholtz, Isak vd Walt, Tjaart Snyman, Andy en Blossom Pretorius en Koos en Marlene Jooste.

ONDERSTEUNING VIR SIEKES

Vir ondersteuning of besoeke deur die hospitaalbesoeke-diensgroep, skakel hierdie week vir: siekes@oosdoppers.co.za of Em Volschenk (082 564 1940)

BAIE WELKOM AAN:

Susan Velloen wat met attestaat aansluit vanaf GK Buffeldoorns. Sy woon in Strydomstr 7, groep 44.

11 VAKANTE OUDERLINGGROEPE

Wat ons ouderlinge betref is die volgende groepe vakant en vertrou ons dat die Here spoedig gawes sal gee om die groepe te kan bedien: 2,4,13,16,17, 22, 23, 27, 28,39,45. Indien jy nie seker is in watter groep jy val nie, kontak vir Adele by die kerkkantoor.

NAME VIR GOEDKEURING DEUR DIE GEMEENTE VIR DIE DIENSWERK VAN OUDERLING:

Die volgende name word ter approbasie aan die gemeente voorgedra:
brs Chris de Bruyn, Pieter Geyer, Hugo

Huisman, Frans Kruger, Bobby Leach, Orrie Oosthuizen, Ben Steyn, Johannes van As, Willie van der Walt, Hanno van Schaik, Jasper Venter en Hannes Vorster.

PROGRAM VAN DIE WEEK

Vandag

09:15 Gebedsgroep
09:30 Oggenddiens
 Geen Kleuterbediening
 Geen Katkisasie
 Tee en Koffie
 Nagmaal-ete
18:00 Aanddiens

Dinsdag

06:00 Manne-ondersteuningsgroep
18:00 Geen Katkisasie vir gr 10
18:00 Klassis Potchefstroom vergader

Woensdag

17:15 Katkisasie Gr 11
17:30 Katkisasie Gr 9

Donderdag

18:15 Diakonale Groepbediening

VERJAARSDAE

Baie geluk aan almal wat DV hierdie week verjaar!

Sondag, 17 September

Sr Lorette Bester 084 601 0224
Sr Esmari Rood 071 683 0102
Jbr Henlu v As

Maandag, 18 September

Br Martin Bester 082 569 0048
Sr Ena de Bruyn 084 444 5824
Sr Nelleke du Toit 083 946 8237
Br Tjaart Snyman (80) 083 543 0526

Woensdag, 20 September

Sr Hyla Alberts 082 967 1688
Sr Annelie Pheiffer 082 902 0972
Br Wikus v Niekerk 082 824 1839

Donderdag, 21 September

Br Dries Schutte (75) 082 339 5547

Vrydag, 22 September

Br Ed Coetsee (81) 082 415 4961
Br Marcell Kruger 082 905 4928
Br Orrie Oosthuizen 082 466 2745
Sr Anrie vd Schyff 083 456 2938

Saterdag, 23 September

Sr Marianne Kruger
Br Hanno v Schaik 072 105 3961

AFKONDIGINGS

- Liefdegawe vanoggend vir Barmhartigheid (Zapper betaalmetode beskikbaar)
- Gawe by die deure vanoggend vir die Voorsieningsfonds.
- Gawes volgende Sondag vir die Streeksinode: Sustentasië.
- Vrywillige bydrae vir voertuigsekuriteit in die bussies by die deure.
- Diensbeurte: Groep 39 en 40.

KINDERFEES: 2-6 Oktober 2017

Die momentum vir die Kinderfees begin nou opbou en ons maak gereed om die laerskoolkinders van ons gemeenskap hier te ontvang en op feestelike wyse met die Woord te bedien.



MAAR ONS HET HULP NODIG:

1. Hulpmiddels en infrastruktuur
Ons benodig die volgende items om dekor-items en ander benodigdhede te maak, indien enige lidmate ons hiermee kan help sal ons dit baie waardeer:

- Tente (weermagstyl sonder kante) en kazebo's (7)
- Papierborde
- Watte
- Swart filtpenne
- Leë 250 ml (heel klein) koeldrankbotteltjies (benodig 70)
- Gekleurde karton

- Bostik (Buisies)
- Melkproppies

Ons het 'n **whatsapp-gebedsgroep** spesiaal vir hierdie projek op die been gebring. Stuur jou selnommer na Engela vd Walt 082 556 7806 indien jy deel van die groep wil wees. **Baie dankie** aan almal wat reeds skenkings gemaak het en dankie vir almal wat saam bid vir die fees!

LAERSKOOLJEUG UITSTAPPIE

Ons beplan om vir die laerskooljeug en hulle ouers 'n lekker wegbreek te reël. Hou solank **Saterdag, 14 Oktober**, oop op julle gesin se kalender! Ons sien uit daarna!

WOORD-WERKSWINKELS

Woordkafee bied teen die einde van September drie geleenthede aan om op 'n kreatiewe manier tekste uit die Woord te gebruik om ons Skepper in sy skepping te herken. Dit geskied onder leiding van die kunstenaar Rona Zwarts, outeur van "Releasing the colors from heaven", wat reeds Woord-werkswinkels op uitnodiging in Suid Afrika, Kanada, Engeland, Holland en Israel aangebied het.

Tye daaglik 18:00 – 20:00 op Do. 28 Sept (God se gedagtes), Vr. 29 Sept (Hoop as lewensanker) en Sa. 30 Sept (Ewigheid van God se Woord). Maks. 12 persone per sessie. Bespreking voor 15 Sept is noodsaaklik, want alle materiaal word verskaf.

Navrae by 0724861325 of 0824035130.

WAT IS HARTKLOP?

Hartklop is n dienswerk by Aardklop wat deur Gereformeerde jeug geïnisieer en gereël word met die doel om mense te dien. Om onvoorwaardelik te gee. Ons deel koffie of water uit aan alle mense wat dit nodig het en ons bedien ook die werkers tydens Aardklop. Die doel is om ander mense te

leer dat om te gee is beter as om te ontvang. Wie weet, dalk ontvang jy meer daaruit...

Skryf in by: g5studente@gmail.com, R200 inskrywingsfooi of kontak GK Bult 018 297 4843.

DIE KUIERKOMBUIS - Aardklop 3-7 Oktober 2017

'n Gesamentlike projek deur, Gereformeerde Kerk Potchefstroom-Die Bult en Potchefstroom Dienssentrum vir Bejaardes

Ontbyt 08:00-11:30

Gekookte middagetes 11:30-14:30

Aandetes 17:00-20:30

Koffiestoep met varsgebak, Koue drinkgoed, Kunsuitstalling

Adres: h/v Molen-en Borcherdstraat, Die Bult, Parkering een blok vanaf feesgronde

POTCHEFSTROOM KERKLEIERS FORUM (PKF): IT'S TIME POTCH

Die groot saamtrek van gelowiges uit alle gemeenskappe van Potchefstroom vind **vanmiddag op Olienpark plaas**. Die geleentheid word genoem "Dis tyd, Potch" (It's time, Potch). Die hekke open 13:00.

Van 13:00 - 15:00 gaan Dewald Gouws en Ernie Amos die skare op geestelike musiek trakteer.

Om 15:00 tree Graham Power as spreker op. Hy is die stigter van die wêreldwye "global day of prayer"-beweging. Na hom tree Rev Annanius Ralekholela van die AGS kerk op.

Almal word uitgenooi om die geleentheid by te woon. Dit is 'n belangrik boodskap wat uitgaan naamlik dat gelowiges van alle gemeenskappe in Potchefstroom bymekaar kom om die Here te dien en te bid. Vat 'n mandjie met eetgoed en drinkgoed saam indien jy die hele middag daar wil deurbring.

‘N SPESIALE DANKIE

Die Amandelbloeisels en ander gemeenteliede wil vir Hestie en Shantell baie spesiaal bedank vir ‘n wonderlike uitstappie na die Noot-vir-Noot opname. Dankie vir al die bederf, omgee en liefde!!! Ons het dit so geniet!

BAIE DANKIE

Baie dankie vir die mediese-bed wat deur ‘n anonieme gemeentelid aan ons geskenk is. Dit help ons vreeslik baie - ons waardeer dit opreg.

Lucia en Turner Bezuidenhout

KENNISGEWINGBORD

- Advertensie: JD’s Nasorg
- Cantabile: Music from the Movies - 27 Oktober

GEMEENTELIKE HERWINNINGSPROJEK

Gebruik ons herwinningshok vir: Papier, plastiek, karton, glas, blikkies en polystyrene. *Dit hoef nie gesorteer te wees nie, herwinningsitems moet wel in plastieksakke toegebind wees. ASB GEEN huisafval nie!* Die glas/blikkies/plastiek moet asb uitgespoel wees en nie vuil ingegooi word nie.

Maak ook voorstelle vir ‘n lekker naam vir hierdie herwinningsprojek.

“Raap, Skraap en Red” = Yda Vosser

“Raap en Red”, kortweg R&R = Rina Seyffert (verbuiging van tannie Yda se voorstel)

KENNISGEWING VANAF DIE DIAKONIE: LIEFDEGAWES VIR BARMHARTIGHEID

DEUR

SELFOON TOEPASSING:
ZAPPER

Hierdie QR simboolkode is gekoppel aan die Diakoniese rekening en **slegs**



bydraes vir Barmhartigheid kan daarmee gemaak word - geen ander betalings aan die Diakoniese of kerkraad nie.

SOSIALE MEDIA VIR ONS GEMEENTE

Webblad: www.oosdoppers.co.za

Facebook: www.facebook.com/oosdoppers

Beeldmateriaal van preke kan hier gesien word:

<http://ow.ly/ivfZ309vsdc>. Ds Piet stuur weekliks sy preke per e-pos uit. Laat weet hulle indien jy dit wil ontvang.



Ons wil ook graag ‘n vriendelike versoek rig dat u nie op die gemeente se elektroniese sms-stelsel terug antwoord nie, maar asseblief die kerkkantoor bel of ‘n e-pos stuur, aangesien dit ‘n rekenaar-sms is.

KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt - 082 851 3637

Prof. Herrie v Rooy 083 700 3933

Kerkkantoor: Adele 018 290 7690



SUSTERS IN DIE GELOOF

"DIE VREUGDE VAN 'n LEWENDE GELOOF"

TEESKINKGELEENTHEID



Tee word **vandag** onder die leiding van Marie du Plessis (Groep 37), Engela vd Walt (Groep 38) en Erika Rood (Groep 39) bedien.

Volgende week skink Miems Labuschagne (Groep 40), Marie Oosthuizen (Groep 41) en Marike Grobler (Groep 42) tee. *Baie dankie julle!*

- *Baie dankie aan die groepsusters en hulle groepe se susters en broers wat met die skink en opwas help!*
- *Ons moedig susters en broers aan om met die skink en opwas te kom help – so leer ons mekaar en ons nuwe groepe beter ken!*

SUSTERSBYDRAE



Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsamelings-geleenthede geïen word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

BLIKKIES-WARMHARTE



Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooi en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproewing gaan. **Die blikkies se kleingeld het dit moontlik gemaak vir die susters om in 2016 vir 29 persone 'n blomme-bederf of iets anders te gee. Baie dankie vir julle getroue bydra!**



MELKFONDS

Ons gemeente is bevoorreg om elke Sondag 'n heerlike koppie melkkoffie of tee na die erediens te geniet. Ons herinner graag alle lidmate aan ons melkfondshouers by die bedieningspunte. Hierdie melkfonds word gebruik om juis in hierdie voorreg te voorsien. Graag vra ons vir enige donasies wanneer daar weer heerlik rondom 'n koppie koffie of tee gekuier word. Die donasies kan in die houers geplaas word en so verseker ons ook elke week se lekker saamkuier na die erediens.



BAIE DANKIE

Baie dankie aan Annelie Pheiffer en blok D vir die aanbied van 'n heerlike nagmaal-ete. Dankie aan almal wat saam gekuier het!

BANKBESONDERHEDE VIR SUSTERS SE INBETALINGS

Susters, let daarop dat die Susters 'n aparte bankrekening het vir al hul bydraes, nagmaales se inbetalings, ens. Die rekeningbesonderhede is:

Potchefstroom-Oos Susters, Capitec Bank, Tjekrekening: 145 652 5695, Takkode: 470 010



BORG VAN DIE WEEK



Sanet Ras Prokureurs

**OPSTEL VAN TESTAMENTE.
BEREDDERING VAN BOEDELS.
ALLE EIENDOMSTRANSAKSIES.**

Van Riebeeckstraat 101, Potchefstroom
Tel: (018) 294-8953 k/u



OOSDOPPERTJIES

Jes. 43:1b "Ek het jou op jou naam geroep,
jy is myne."

NUUS UIT DIE BYBELKOERANT

DIEN JY GOD VIR DIE REGTE REDE?

Judas se optrede bly 'n dringende waarskuwing aan almal wat die Here Jesus volg om verkeerde redes. Want ons kan Judas nie sommer maklik van die tafel vee met die gerusstelling dat hy 'n buitestander was wat van die begin af vyandig teen Jesus was nie. Hy was 'n volgeling van Jesus, een van die binnekring



wat selfs die tesourier van die groep was. En tog verraai hy sy Meester. Judas se probleem was dat hy ander ideale as Jesus gehad het. Hy het Jesus gevolg omdat hy gedink het Jesus gaan Israel se politieke verlosser wees. Judas het sy eie agenda gehad waarby Jesus moes inpas.

Dit was ook koning Jerobeam se probleem: sy godsdienst het nie eerstens om diens aan God gegaan nie, maar was 'n middel tot 'n doel: om sy eie politieke loopbaan te bevorder. Hy wou die mense wegkeer van Jerusalem, waar sy aartsvyand Rehabeam koning was. Maar die tempel was in Jerusalem, en alle vroom Israëliete het elke jaar vir die Paasfees na Jerusalem gegaan. Omdat sy eie ideale swaarder geweeg het as die eise van God oor hoe Hy aanbid en gedien moet word, is sy godsdienst nie meer Godsdienst nie, maar 'n gruwel in God se oë.

As jy God dien omdat jy daardeur jou eie saak wil bevorder, dien jy nie vir Hom nie, maar jouself.